



2012年09月22日(六)

中環出更：家電大佬助人願望成真

上一則

下一則



## 中環出更：家電大佬助人願望成真

港飲港食!帶你食遍全港九!

交遊廣闊嘅「家電大佬」德國寶董事長陳國民 (Edward)，日前喺一間酒店大排筵席，慶賀公司三十周年同自己牛一，陳太及大女嘉賢 (Karen)、次女嘉慧齊現身，仲有Karen老公馮建輝及兩歲囡囡Kenny，三代同堂好熱鬧。到賀嘅城中政商界名人包括莎莎主席郭少明夫婦、前高官馬時亨及理工大學校長唐偉章等。工業總會主席鍾志平 (Roy) 等老友，喺現場放映惡搞Edward做主角嘅電視廣告，笑爆全場。

## 關鍵字

陳國民、鍾志平、孫榮聰



## 熱門:

升學顧問 減肥瘦身 海外升學

課程 幼兒課程 電話系統

市場推廣 婚紗攝影 網上商店

禮品 花籃 核數

商標 冷氣工程 英語

興趣班 不織布袋 五金廢料

會計 專業化妝 印刷

脫髮 宣傳方法

## 我的瀏覽記錄

中環出更：家電大佬助人願望成真 (22/09)

清除記錄

見到咁多老友捧場，身兼提升快樂指數基金會會長嘅Edward開心到笑不攞嘴，即場宣布將賓客嘅禮金全數捐出，成立「開心願望成真」專項基金，幫助有需要市民完成有意義、上限為一萬元嘅願望。佢仲話，如果禮金唔夠數，就自掏腰包補夠數至三十萬元。此話一出，老友踴躍響應，李錦記集團主席李文達爽快「配對」捐出三十萬元，阿Roy都唔執輸，捐出五萬元。



陳國民 (右三) 抱住孫仔Kenny，開心滿足。左一為陳太，右一、二為囡囡陳嘉賢夫婦。(余素月攝)

## 申請者要係香港居民

基金義務總幹事陳詠梅話，申請者不分年齡、國籍及種族，只要係香港居民就得喇。着住白色長褲配襯白色鞋嘅馬時亨，成為晚宴焦點之一，事關佢難得着得咁瀟灑，身形仲愈來愈fit添，個個都讚佢靚仔。工總青委主席孫榮聰 (Eric) 好雀躍報料話，下月底將率團到台灣參觀兩家大型手機及電腦製造商，由於機會難逢，青委兄弟姐妹爭相報名，三十個名額好快就爆滿。



李文達夫婦 (前左、右) 慷慨解囊，鍾志平 (後右) 及唐偉章 (後左) 猛讚好。



馬時亨 (左) 及陳詠梅 (右) 係提升快樂指數基金嘅中堅分子，老友鬼鬼。



陳嘉慧 (中) 都係工總青委成員，與孫榮聰 (右) 及劉燾濤 (左) 好啱傾。

卓妮

第一手消息請下載 on.cc 東方互動 iPhone/iPad/Android/Windows Phone Apps

上一則：Party Life：名人美事